



ԿՈՌՈՒՊՏԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎ

ԿՈՌՈՒՊՏԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎԻ

11.04.2025թ. ՆԻՍԻ

Ա Ր Ձ Ա Ն Ա Գ Ր ՈՒ Թ Յ ՈՒ Ն

վարչական իրավախախտման վերաբերյալ

Թիվ ՎԻՎ/106/2025 գործով

ք. Երևան

11 ապրիլի 2025թ.

2025 թվականի ապրիլի 11-ին տեղի ունեցավ Կոռուպցիայի կանխարգելման հանձնաժողովի (այսուհետ՝ Հանձնաժողով) նիստը: Նիստին մասնակցում էին Հանձնաժողովի անդամներ Լիլիթ Ալեքսանյանը (նիստը նախագահող), Արամայիս Փաշինյանը և Արմեն Մարուխյանը:

Համաձայն «Կոռուպցիայի կանխարգելման հանձնաժողովի մասին» օրենքի 21-րդ հոդվածի 5-րդ մասի՝ նիստն իրավազոր էր, քանի որ դրան ներկա էին Հանձնաժողովի առնվազն երեք անդամ:

Օրակարգում ներառված էր ՀՀ քննչական կոմիտեի Երևան քաղաքի քննչական վարչության Երևան քաղաքի Կենտրոն և Նորք-Մարաշ վարչական շրջանների քննչական երրորդ բաժնի քննիչ Իգնատ Ռուբիկի Խաչատրյանի ընտանիքի անդամ Արևիատ Հովհաննեսի Խաչատրյանի նկատմամբ Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 169.28-րդ հոդվածի 5-րդ մասով նախատեսված զանցանքի հատկանիշներով առերևույթ խախտման կապակցությամբ Հանձնաժողովի կողմից հարուցված թիվ ՎԻՎ/106/2025 վարչական իրավախախտման վերաբերյալ գործի քննությունը, վարույթի արդյունքների ամփոփումը և որոշման կայացումը:

Պատշաճ ծանուցված Արևիատ Խաչատրյանը չէր ներկայացել գործի քննությանը:

Նիստը նախագահող Լ. Ալեքսանյանը ներկայացրեց, որ Հանձնաժողովը, ղեկավարվելով «Կոռուպցիայի կանխարգելման հանձնաժողովի մասին» օրենքի 23-րդ

հողվածի 1-ին մասով, նույն օրենքի 26.1-րդ և 26.2-րդ հոդվածներով սահմանված կարգով՝ ՀՀ քննչական կոմիտեի Երևան քաղաքի քննչական վարչության Երևան քաղաքի Կենտրոն և Նորք-Մարաշ վարչական շրջանների քննչական երրորդ բաժնի քննիչ Իգնատ Ռուբիկի Խաչատրյանի վերաբերյալ իրականացված բարեվարքության ուսումնասիրության շրջանակում, ուսումնասիրել է Արևիատ Հովհաննեսի Խաչատրյանի գույքային դրությունը, ինչպես նաև նախկինում ներկայացված հայտարարագրերը, որի ընթացքում արձանագրված անհամապատասխանությունների վերաբերյալ նույն օրենքի 25-րդ հոդվածի 1-ին մասի համաձայն իրականացրել է Հայտարարագրերի վերլուծություն և ստուգում, որի արդյունքում պարզվել է հետևյալը՝ Արևիատ Խաչատրյանի բանկային հաշվի մնացորդը 2023 թվականի տարեսկզբին կազմել է 596,150 ՀՀ դրամ, իսկ տարեվերջին՝ 359,178 ՀՀ դրամ, մինչդեռ պաշտոնատար անձի ընտանիքի անդամի՝ 2023 թվականի գույքի, եկամուտների և ծախսերի տարեկան հայտարարագրում (այսուհետ՝ Հայտարարագիր) նշված բանկային հաշվի մնացորդները հայտարարագրված չեն:

Վարույթի մասնակից Արևիատ Խաչատրյանը դիրքորոշում չի ներկայացրել:

Քննարկումների արդյունքում Հանձնաժողովի անդամներ Լ. Ալեքսանյանը և Ա. Մարուխյանը եզրահանգեցին, որ Արևիատ Խաչատրյանի կողմից Հայտարարագրում իր բանկային հաշվին առկա դրամական միջոցների վերաբերյալ տվյալներ չհայտարարագրելու պայմաններում հնարավոր չէ ամբողջական պատկերացում կազմել վերջինիս գույքային դրության մասին:

Տվյալ պարագայում, Լ. Ալեքսանյանը և Ա. Մարուխյանը կարևոր են համարում այն, որ Արևիատ Խաչատրյանի կողմից չհայտարարագրված դրամական միջոցների աղբյուրը հանդիսանում է աշխատանքի վարձատրությունը մասնավոր ընկերությունից, և այն որ դրա չափերը՝ 2023 թվականի տարեսկզբին՝ 596,150 ՀՀ դրամ, իսկ տարեվերջին՝ 359,178 ՀՀ դրամ, գերազանցում են վերջինիս դրույքաչափի համար սահմանված աշխատավարձի զուտ չափը, որն ըստ Հայտարարագրում ներկայացված տվյալների կազմում է ամսական մոտավորապես 123,000 ՀՀ դրամ, քանի որ Հանձնաժողովը նվազ նշանակություն է գնահատում այն դեպքերը, երբ չհայտարարագրված ընդհանուր գումարի չափը չի գերազանցում հայտարարատու անձի դրույքաչափի համար սահմանված աշխատավարձի զուտ չափը: Նշվածից հետևում է, որ առկա է հայտարարատու անձի նկատմամբ վարչական տույժ կիրառելու հիմքերը՝ արարքի էական նշանակություն ունենալու հիմքով, ուստի

գտնում են, որ Արևիատ Խաչատրյանի նկատմամբ պետք է կիրառել Օրենսգրքի 169.28-րդ հոդվածի 5-րդ մասով նախատեսված վարչական տույժը:

Հանձնաժողովի մյուս անդամը՝ Ա. Փաշինյանը, տարբերվող՝ առանձին դիրքորոշում ներկայացրեց առ այն, որ Արևիատ Խաչատրյանը Հայտարարագրի «Բ.6.1. Բանկային հաշիվների մնացորդներ (բացառությամբ ավանդների)» բաժնում իր բանկային հաշվին առկա մնացորդները, որոնք 2023 թվականի տարեսկզբին կազմել է 596,150 ՀՀ դրամ, իսկ տարեվերջին՝ 359,178 ՀՀ դրամ չհայտարարագրելը հանրային վտանգավորության տեսանկյունից ունի նվազ նշանակություն, ուստի սույն գործով առկա են հայտարարատու անձի նկատմամբ հարուցված վարչական իրավախախտման վերաբերյալ գործը կարճելու հիմքեր՝ արարքի նվազ նշանակության հիմքով՝ Արևիատ Խաչատրյանին հայտարարելով բանավոր դիտողություն:

Մասնավորապես, Արամայիս Փաշինյանը նշեց, որ թեև Արևիատ Խաչատրյանի կողմից Հայտարարագրում իր բանկային հաշվին առկա դրամական միջոցների վերաբերյալ տվյալները չհայտարարագրելը ձևականորեն կարող է պարունակել Վարչական իրավախախտումների վերաբերյալ ՀՀ օրենսգրքով սահմանված արարքի հատկանիշներ, սակայն տվյալ դեպքում այն չի հանգեցրել հասարակական շահի խաթարմանը և այնպիսի էական վնաս չի պատճառել հասարակությանը, պետությանը, որի հիմքով սահմանված պատասխանատվությունը կդիտարկվի համաչափ: Միևնույն ժամանակ, Հանձնաժողովի նախադեպերը՝ պաշտոնատար անձի դեպքում խախտումը նվազ նշանակության որակելը՝ նրա պաշտոնային դրույքաչափով պայմանավորված, չի կարող կիրառելի լինել ընտանիքի անդամի դեպքում: Մասնավորապես, ընտանիքի անդամը կարող է վարձու աշխատող չհանդիսանալ և եկամուտ չունենալ, սեզոնային կամ միանվագ աշխատանքներում ներգրավված լինել և չունենալ կայուն եկամուտ, ունենալ խոշոր պասիվ և ոչ պարբերական եկամուտներ և այլն: Տվյալ դեպքում խախտումը նվազ նշանակության որակելու համար իրենց համակցության մեջ էական նշանակություն են ունեցել խախտման բնույթը, դրա ազդեցությունը կամ հնարավոր ազդեցությունը պաշտոնատար անձի և իր ընտանիքի անդամների ընդհանուր գույքային դրության վրա, ինչպես նաև դրամական խնայողությունների ռիսկայնության գնահատումը, մասնավորապես՝ կանխիկ դրամական միջոցների և ընդհանուր դրամական խնայողությունների համամասնությունը:

«Կոռուպցիայի կանխարգելման հանձնաժողովի մասին» օրենքի 21-րդ հոդվածի 12-րդ մասի համաձայն՝ վարքագծի կանոնների, բացառությամբ նվերներ ընդունելու սահմանափակումների, անհամատեղելիության պահանջների, այլ սահմանափակումների խախտումների, շահերի բախման հարցերով, ինչպես նաև «Հանրային ծառայության մասին» Հայաստանի Հանրապետության օրենքով նախատեսված հանրային ծառայողների էթիկայի հանձնաժողովների եզրակացությունների վերանայման արդյունքում Հանձնաժողովն ընդունում է եզրակացություններ:

Հանձնաժողովի **իրավասությանը վերապահված այլ հարցերով** Հանձնաժողովն ընդունում է որոշումներ:

«Կոռուպցիայի կանխարգելման հանձնաժողովի մասին» օրենքի 21-րդ հոդվածի 13-րդ մասի համաձայն՝ Հանձնաժողովի եզրակացություններն ու որոշումներն **ընդունվում են Հանձնաժողովի անդամների ընդհանուր թվի ձայների մեծամասնությամբ:**

Օրակարգում ներառված հարցի քննարկմամբ Հանձնաժողովն **արձանագրեց.**

Հանձնաժողովում 2025 թվականի ապրիլի 11-ին կազմված վարչական իրավախախտման վերաբերյալ արձանագրության և մյուս նյութերի հիման վրա Օրենսգրքի 169.28-րդ հոդվածի 5-րդ մասով նախատեսված իրավախախտման վերաբերյալ գործի քննության արդյունքում, Հանձնաժողովի անդամների ընդհանուր թվի ձայների մեծամասնությունն ապահովված չլինելու հանգամանքով պայմանավորված, կոլեգիալ մարմնի կողմից քննվող վարչական իրավախախտման վերաբերյալ թիվ ՎԻՎ/106/2025 գործով որոշում չի կայացվում:

ՀԱՆՁՆԱԺՈՂՈՎԻ ՆԱԽԱԳԱՀԻ

ՊԱՐՏԱԿԱՆՈՒԹՅՈՒՆՆԵՐԸ

ԿԱՏԱՐՈՂ ՓՈԽԱՐԻՆՈՂ՝

ԼԻԼԻԹ ԱԼԵՔՍԱՆՅԱՆ

ՀԱՆՁՆԱԺՈՂՈՎԻ ԱՆԴԱՄՆԵՐ՝

ԱՐԱՄԱՅԻՍ ՓԱՇԻՆՅԱՆ

ԱՐՄԵՆ ՄԱՐՈՒԽՅԱՆ